

D E U T E R O N O M I.

'nar n-aghaidh-sa chum bhur sgrios.) Ach dh'éisd an Tighearna rium 'san àm sin mar an ceudna.

20 Agus bha ro-fhearg air an Tighearna re h-Aaron a chum a sgrios : agus rinn mi urnuigh mar an ceudna air son Aaroin 'san àm sin féin.

21 Agus ghabh mi bhur peacadh, an laogh a rinn sibh, agus loisg mi e le teine, agus phronn mi e, agus mheil mi gu min e, eadhon gus an d'rinneadh min e mar dhuflach : agus thilg mi a dhuflach^a 'san t-fruth a thàinig a nuas o'n t-sliabh.

22 Agus aig Taberah, agus aig Masah, agus aig Cibrot-Hataabhah, bhrosnaich sibh an Tighearna gu feirg.

23 Mar an ceudna 'nuair a chuir an Tighearna sibh o Chades-barnea, ag ràdh, Rachaidh suas, agus sealbhaichibh am fearann a thug mise dhuibh; 'an sin rinn sibh ceannairc 'an aghaidh aithne an Tighearna bhur Dé, agus cha do chreid sibh e, ni mò a dh'éisd sibh r'a ghuth.

24 Bha sibh ceannairceach 'an aghaidh an Tighearna, o'n là a b'aithne dhomhsa sibh.

25 Mar fo thuit mi sìos 'am fianuis an Tighearna dà fhichead là agus dà fhichead oidhche, mar a thuit mi sìos *air tùs*^b; a chionn gu'n dubhairt an Tighearna gu'n sgriosadh e sibh.

26 Uime sin rinn mi urnuigh ris an Tighearna, agus thubhairt mi, O Thighearna Dhé, na sgrios do shluagh féin, agus t'oighreachd, a shaor thu tre do mhòrachd, a thug thu mach as

an Eiphit le làimh chumhachdaich.

27 Cuimhnich do sheirbhich, Abraham, Isaac, agus Jacob; na h-amhairc air reasgachd an t-sluaigh so, no air an aingidheachd, no air am peacadh:

28 Air eagal gu'n abair am fearann as an d'thug thu mach sinn, A chionn nach b'urrainn an Tighearna an toirt a-steach do'n shearann a gheall e dhuibh, agus a chionn gu'n robh fuath aige dhuibh, thug e mach iad g'am marbhadh 'san fhàsach.

29 Gidheadh is iad do shluagh iad, agus t'oighreachd, a thug thu mach le d' thréin neart, agus le d' ghairdean sìnte mach.

C A I B. X.

SAN àm sin thubhairt an Tighearna rium, Snaidh dhuit féin dà chlàr chloiche cosmhuil ris na ceud chlàir, agus thig a nìos a'm' ionnsuidh-sa do'n t-sliabh^c, agus dean dhuit àirc fhiodha.

2 Agus sgrìobhaidh mise air na clàir na focail a bh'air na ceud chlàir a bhris thu, agus cuiridh tu iad 'san àirc.

3 Agus rinn mi àirc do fhiodh sitim, agus shnaidh mi dà chlàr chloiche cosmhuil ris na ceud chlàir, agus chaidh mi suas do'n t-sliabh, agus an dà chlàr a'm' làimh.

4 Agus sgrìobh e air na clàir a réir a' cheud sgrìobhaidh, na deich àitheantan, a labhair an Tighearna ribh 'san t-sliabh, a meadhon an teine, ann an là a' cho'-chruinnich : agus thug an Tighearna iad dhomhsa.

5 Agus

^a smùr.

^b anns an d'fich mi mi féin.

^c do'n bheinn.